



Inatsisartuni ilaasortaq,
Jens NapátôK',
Naleraq,
Maani/

PNNP pillugu § 37 naapertorlugu apeqquteqaammut akissut nr. 130-2025

18-08-2025
Sagsnummer: 2025 - 16249
Akt nr.: 25622135

Aqutsiveqarfik 47-imi PNNP pillugu Inatsisartut suleriaasianni § 37, imm. 1 naapertorlugu Naalakkersuisunut apeqquteqaateqarputit. Apeqquteqaat uanga suliaqarfinnut akisassanngortinneqarsimavoq.

Postboks 269
3900 Nuuk

Tlf. (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

1. Qaleralinniarnermi PNNP-mit paggatassiissutitut aqutsiveqarfik 47-mi nuussinnaatitaanngitsut nuussinnaanissaannut inatsisitigut periarfissiiniaraanni, qanoq kinguneqarnissaa periarfissiinissaalu Naalakkersuisut naatsorsuutigaa?

1-imut) PNNP-imik aaqqissuussinermi paggatassiilluni aalisartitsinermit aaqqissuussinermi ikaarsaartitsinissamik suliaqartunut periarfissiineq arlalitsigut annertuumik kinguneqarnerlutsitsissaaq.


PNNP-imik aaqqissuussinermik atuutsitsilernerup siunertarivaa suliaqartunut nammineersinnaassusermik, isumannaassusermik, sivissusermik aamma pisassiissutit pigisanit atatillugu nuussuisinnaassutsimik, suliaqartunut periarfissiissutit iluini qulakkeerinninneq. Pissusiviusuni suliaqartunut piginnaatitaaffiit taakku aalisarnerup pilersarusiukkamik aaqqissuunneqarsinnaanissaannut periarfissiipput, taamaasilluni aalisarnerup ingerlarnga naleqquttumik ingerlasinnaaqqullugu. Taamaattorli- aamma tamanna minnerunngitsumik isumaqarluinnarpoq – suliaqartut ilanngullugu aningaasaliissutitut naleqqiullugu piffissami siviisumi aalisarsinnaanermik pilersarusiorsinnaavoq, aalisarnermi pilersarusiorluni il.il. Tamanna aningaasaliiffiqarnissamik tunngavississaaq, aamma pitsaanerpaamik pissarsiaqarnissamut periarfissamut ilapittuutaalluni. Aaqqissuussinermi matuma aammattaaq kingunerivaa, inuiaqatigiinnut piffissami ungasissumut, isumalluutit pitsaanerpaamik atorneqarnerisa qaffasinnerpaamik atuiffiqarnissaaq anguneqarsinnaanerat: suliaqartumut ataatsimut isumalluutit nalingi qaffappata, inuiaqatigiinnut tamanut aamma qaffariartitsinerussaaq.

Pitsaaqutit tamakku annaaneqassapput, suliaqartut paggatassiilluni aalisarnermik aaqqissuussinermi utersaariartinneqassappata, suliaqartut tamarmiullutik imminnut unammilleqatigiinneranni aamma aalisarnerminnik pilersarusiorsinnaanatik taamaallaalli tamakkiisumik pisassiissutit aalisarneqannginnerini, amerlanerpaanik pisaqarnissamik isiginninniartut. Suliaqartut kikkulluunniit paggatassiilluni aalisarnermit aaqqissuussamut ikaarsaarniartut, naatsorsuuteqarsinnaajunnaassapput amerlassutit qulakkeeriikkatik aalisarsinnaanissaannik periarfissaarutissallutik, siusinnerusukkut periarfissaqarfigeriikkamisut aamma PNNP-imik aaqqissuussaaneq iluani qulakkeerneqareersimasutut. Tamatuma kingunerinnassavaa inuup namminerisamik aningaasaqarneranut inuiaqatigiillu aningaasaqarneritut annaasaqaateqarneq.

Pisassiissutinit pisassatut pigisaq suliaqartup PNNP naapertorlugu aalisarnermi pigisaa, aningaasatigut naleqarpoq, suliaqartumit annaaneqassaaq paggatassiilluni aalisarnermut aaqqissuussinermut ikaarsaariarluni ilanngutissaguni. Nali taanna arlalitsigut sunniuteqarpoq, tassungalu atatillugu pingaarnuvoq, aningaasanik attartorsinnaanermut qulakkeerteqarnissamut tunngavissisinnaammat, suliaqartup aalisarnini naammassiuminarsarniarlugu siunertaqarluni aningaasanik attartornissaminut atorsinnaasaa.

Suliaqartuq taamaasilluni naleqartitsinermik taamaattumik piumanani nalunaaruteqassaaq, pisassiissutinit pisassap nalingata amerlaqataanik naleqartuq – erniinnartumik aningaasatigut nalingasuulli, aamma allanik sunnerneqarani aalisarnerminik unammillerneqarnani ingerlatsisinnaassusaanik annaasaqarnerussaaq, aalisartuq, namminerisamik piumassutsimik tunngaveqarluni PNNP naapertorlugu aaqqissuussinermut ikaarsaarsimasoq, paggatassiilluni aalisarnermut aaqqissuussinermut uterteqqillugu periarfississagaanni, tassani pisassiissutinit pisassiissutaasussaaq, pigisimasani, tamakkerlugu paggatassiilluni aalisarnermi pisassiissutinit ilannguteqqissappat.

Inussiarnersumik inuulluaqqusillunga



Peter Borg sinnerlugu

Aalisarnermut, Piniarnermut, Nunalerinermut Imminullu Pilersornermut Naalakkersuisoq